



UNIVERSITI TEKNOLOGI MARA

GARIS PANDUAN PENGURUSAN ICT

BIL.01/2018

GARIS PANDUAN PENGGUNAAN PERISIAN ICT

1.0 TUJUAN

Garis panduan ini menyatakan tanggungjawab dan peranan pengguna di UiTM di dalam mengguna pakai perisian ICT.

2.0 Objektif

- i. Memastikan semua PTJ menggunakan perisian ICT untuk tujuan pengajaran, pembelajaran dan pentadbiran yang selaras di semua PTJ;
- ii. Menjimatkan kos perisian ICT;
- iii. Menyelaraskan perolehan perisian ICT secara berpusat; dan
- iv. Menyelenggara pengemaskinian versi terkini bagi perisian ICT dalam tempoh kontrak.

3.0 Skop

Merangkumi semua perisian ICT yang dimiliki, diguna atau berada di dalam simpanan pengguna bagi tujuan penggunaan hal-hal berkaitan UiTM, tidak kira di mana perisian ICT itu berada.

4.0 Perjanjian Lesen Perisian (Software Licence Agreements)

- i. Semua pengguna tidak dibenarkan melanggar mana-mana perjanjian lesen perisian ICT yang telah ditetapkan;
- ii. Semua pengguna tidak dibenarkan membuat salinan (*copy*) sama ada dalam bentuk media (CD/DVD/Thumb Drive) ataupun apa jua kaedah yang bertujuan memindah, menyalin, menyebarkan dan membuat instalasi mana-mana perisian yang diberikan oleh Pengurusan ICT melebihi jumlah lesen yang ditetapkan;
- iii. Pengurusan ICT tidak akan bertanggungjawab terhadap sebarang penyalahgunaan perisian ICT, termasuk penggunaan tanpa lesen yang dilakukan oleh pengguna;
- iv. Setiap pengguna secara peribadi bertanggungjawab untuk membaca, memahami dan mematuhi peraturan penggunaan dan syarat-syarat pelesenan bagi setiap perisian ICT yang digunakan;
- v. Setiap pengguna tidak dibenarkan memuat turun dan membuat instalasi perisian yang boleh mendatangkan kemudaratan dan kerosakan kepada komputer serta gangguan kepada rangkaian UiTM; dan
- vi. Setiap pengguna tidak dibenarkan memuat turun dan membuat instalasi perisian-perisian ICT yang tidak relevan dengan keperluan akademik, pentadbiran dan kaji selidik di UiTM.

5.0 Kelulusan Penggunaan

- i. Semua jenis perisian ICT yang diguna pakai oleh PTJ perlu mendapat kelulusan daripada pihak *vendor* mengikut syarat-syarat yang ditetapkan oleh pihak *vendor*;
- ii. Penggunaan perisian ICT yang digunakan untuk tujuan pengajaran, pembelajaran dan penyelidikan; dan
- iii. PTJ bertanggungjawab sepenuhnya terhadap semua keperluan perisian ICT yang diguna pakai untuk tujuan pengajaran dan pembelajaran di fakulti dan kampus cawangan masing-masing.

6.0 Pelupusan Perisian ICT

Bagi perisian ICT, tiada pelupusan terhadapnya. Ini adalah kerana ia tertakluk kepada tempoh langganan kontrak sesuatu perisian ICT.

7.0 Senarai Rujukan

- i. Dokumen Dasar ICT UiTM
- ii. Dokumen Dasa Keselamatan ICT 2018
- iii. Pekeliling ICT